



**Consorzi da scola
Sumvitg-Trun**

**Uorden da
scola**

C u n t e g n

I.	DISPOSIZIUNS GENERALAS	3
Art. 1	Scalems da scola	3
Art. 2	Egualitad dallas schlatteinas	3
Art. 3	Obligaziun d'ir a scola	3
Art. 4	Temps d'instrucziun	3
Art. 5	Valetaziun, promoziun	3
II.	LAS PERSONAS D'INSTRUCZIUN	3
Art. 6	Relaziun d'engaschament	3
Art. 7	Occupaziun dubla da plazzas da scolasts	4
III.	LA DIRECZIUN DALLA SCOLA	4
Art. 8	Relaziun d'engaschament	4
Art. 9	Obligaziuns e cumpetenzas	4
IV.	IL CUSSEGL DA SCOLA	4
Art. 10	Organisaziun	4
Art. 11	Cumpetenzas da decider	5
Art. 12	Obligaziuns e cumpetenzas	5
Art. 13	Presidi	6
V.	DRETG DA FAR RECUORS	6
Art. 14	Recuors	6
VI.	DISPOSIZIUN FINALAS	6
Art. 15	Abrogaziun	6
Art. 16	Approbaziun	7
Art. 17	Entrada en vigur	7

A basa d'art. 20 dalla lescha davart las scolas popularas dil cantun Grischun (lescha da scola) dils 21 da mars 2012 ed a basa d'art. 8 dils statuts dil consorzi da scola Sumvitg-Trun dils 19 da zercladur 2012 relaian las vischnauncas dil consorzi da scola Sumvitg-Trun il suandont uorden da scola:

I. DISPOSIZIUNS GENERALAS

Art. 1 Scalems da scola

¹ Il consorzi da scola Sumvitg-Trun meina ils suandonts scalems da scola:

- a) scalem da scoletta,
- b) scalem primar,
- c) scalem secundar I.

² El garantisce la purschida da mesiras sempas dalla pedagogia speciala e la realisaziun da talas.

³ La frequentaziun alla scoletta po vegnir declarada obligatorica per affons da lungatg jester.

Art. 2 Egalitad dallas schlatteinas

Las indicaziuns davart persunas, funcziuns e professiuns en quest uorden serefereschan sin omisduas schlatteinas.

Art. 3 Obligaziun d'ir a scola

L'obligaziun d'ir a scola, il liug da scola sco era la frequentaziun gratuita sedrezzan tenor il dretg cantunal.

Art. 4 Temps d'instrucziun

¹ Il consorzi da scola garantisce sil scalem dalla scoletta e sin il scalem primar las uras da bloc prescettas dil cantun.

² Il cussegl da scola fixescha ils temps d'instrucziun quotidians tenor las disposiziuns dalla legislaziun cantunala da scola.

Art. 5 Valetaziun, promoziun

La valetaziun e la promoziun sedrezzan tenor las disposiziuns dalla legislaziun cantunala da scola.

II. LAS PERSONAS D'INSTRUCZIUN

Art. 6 Relaziun d'engaschament

¹ Las persunas d'instrucziun ein employadas dil consorzi da scola.

² La relaziun d'engaschament dallas persunas d'instrucziun vegn fundada, observond la legislaziun cantunala respectiva, entras in contract da dretg public.

Art. 7 Occupaziun dubla da piazzas da scolasts

Occupaziuns dublas d'ina piazza da scolast san vegnir lubidas dil cussegl da scola.

III. LA DIRECZIUN DALLA SCOLA

Art. 8 Relaziun d'engaschament

¹ Il menader da scola ei emploiaus dil consorzi da scola.

² La relaziun d'engaschament dil menader da scola vegn fundada, observond la legislaziun cantunala respectiva, entras in contract da dretg public.

Art. 9 Obligaziuns e cumpetenzas

Las incumbensas dil menader da scola ein enumeradas el carnet da pensums. El meina operativamein il consorzi surtut els secturs da pedagogia e da pedagogia speciala, dil personal, dall'organisaziun, dall'administraziun e dallas finanzas.

IV. IL CUSSEGL DA SCOLA

Art. 10 Organisaziun

¹ Il cussegl da scola secumpona dil president e da 5 ulteriurs commembers.

² Il commember da suprastanza incumbensaus cul scolaesser ei ex. officio commember dil cussegl da scola. Mintga vischnaunca elegia ultra da quei 2 ulteriurs commembers el cussegl da scola.

³ Il cussegl da scola seconstituescha sesez.

⁴ Il temps d'uffeci cuoza 3 onns.

⁵ Il president dil cussegl da scola envida allas sedutas e tgamunescha quellas. Dallas sedutas dil cussegl da scola vegn menau in protocol. Il protocol vegn mintgamai approbaus tier la proxima seduta.

⁶ Il cussegl da scola vegn convocaus dil president dil cussegl aschi savens sco las fatschentas pretendan, denton silmeins 6 gadas per onn.

⁷ Sin giavisch da 2 cussegliers ei il president obligaus da convocar ina seduta extraordinaria.

⁸ L'invitaziun alla seduta succeda en scret, per regla 7 dis avon il termin, cun indiar las tractandas.

⁹ Il menader da scola pren per regla part dallas sedutas dil cussegl da scola cun vusch consultativa.

¹⁰ Allas sedutas dil cussegl da scola pon – sche necessari – vegnir envidadas ulteriuras personas cun vusch consultativa.

Art. 11 Cumpetenzza da decider

Il cussegl da scola ei cumpetents da decider sche pli che la mesadad dils cusseglers ein presents. Mintga commember dil cussegl da scola ei obligaus da votar. Resalvadas ein las disposiziuns davart la recusaziun tenor art. 7 al. 4 dils status dil consorti da scola Sumvitg-Trun.

Art. 12 Obligaziuns e cumpetenzas

¹ Il cussegl da scola diregia e survigilescha il menaschi da scola ed exequescha la legislaziun cantunala e communal da scola. El ademplescha tut las incumbensas el scolaesser ch'ei buca confidadas entras decrets cantunals ni communal ad in'otra autoritad ni istanza.

² El ha cunzun l'incumbensa da:

- a) fixar la strategia dil consorti,
- b) representar il consorti anoviar,organisar ils transports da scola sco era purschidas supplementaras (meisa da miezdi, tgira dil di),
- c) survigilar ed haver quitaui dils stabiliments e dil mobiliar,
- d) approbaziun dil quen annual, dalla bilanza e dil rapport annual, sco era dil preventiv per mauns dallas vischnaucas dil consorti,
- e) decider davart l'anticipaziun respectivamein davart la suspensiun dall'entrada ella scoletta ed el scalem primar,
- f) decider davart la cuntinuaziun digl onn da scola en ina classa inferiura sch'igl affon ei surdumandaus,
- g) decider davart sursegilir ina classa,
- h) decider davart purschidas supplementaras per affons da lungatg jester,
- i) decider davart l'ordinaziun ni davart l'aboliziun da mesiras dalla pedagogica speciala en il sectur sempel,
- j) decider davart l'exclusiun dalla scola d'in affon durant il temps da scola obligatoric,
- k) decider davart la relaschada anticipada d'in affon sil pli baul suenter otg onns da scola obligatorica,
- l) decider davart la frequentaziun d'ulteriurs onns da scola suenter il temps obligatoric da scola,
- m) decider davart l'exclusiun dalla scola d'in affon durant il temps da scola suenter il temps obligatoric,
- n) decider davart la recepziun d'in affon d'ina outra instituziun responsabla da scola sco era davart il daner da scola,
- o) fixar las vacanzas – cun excepziun dallas vacanzas d'atun e da Nadal – en entelgientscha ed en coordinaziun cun ils cussegls da scola dalla regiun sco era declarar occurenzas da scola specialas sco obligatoricas ils suentermiezdis libers ni las sondas,
- p) relaschar in reglament davart absenzas e congedis,
- q) relaschar in uorden disciplinar,
- r) relaschar in uorden da cumpetenzas per il menader da scola,
- s) relaschar in carnet da pensums per il menader da scola,
- t) engaschar e relaschar las personas d'instrucziun ed il menader da scola,
- u) fixar il pensum dallas personas d'instrucziun,
- v) sancziunar cunterfatgas encunter igl art. 68 dalla lescha cantunala da scola,
- w) eleger il miedi da scola ed il dentist da scola,

- x) far propostas per la cumpra da material e da mieds d'instrucziun per mauns dallas vischnauncas dil consorzi da scola. D'expensas unicas buca budgetadas entochen l'altezia da frs. 10'000.-- sa il cussegl da scola decider en atgna cumpetenzza,
- y) approbar occurrenzas da scola e da sport sco era jamnas da project,
- z) dispensar persunas d'instrucziun per conferenzas, cuors, hospitaziuns d'instrucziun, collaboraziuns en cumissiuns e gruppas da lavur scolasticas sco era per activitads ordeifer il survetsch da scola da varga 5 dis.

Art. 13 Presidi

¹ Il president dil cussegl da scola ha en emprema lingia las suandontas obligaziuns e cumpetenzas:

- a) el representa il cussegl da scola anoviars,
- b) el surveglia:
 - 1. all'entschatta digl onn da scola la partiziun dallas classas da scola tenor las decisziuns dil menader da scola,
 - 2. igl entir menaschi da scola, surtut ch'igl urari ed ils temps d'instrucziun vegnien teni en,
- c) el fa las inquisiziuns en grevs cass disciplinars,
- d) el prepara las fatschentas dil cussegl da scola e procura ch'ils conclus vegnien realisai.

² Il president dil cussegl da scola pren en cass urgents che concernan las cumpetenzas dil cussegl da scola las mesiras necessarias. Aschilunsch ch'igl ei pusseivel decida il cussegl da scola ella proxima sesida definitivamein en caussa.

V. DRETG DA FAR RECUORS

Art. 14 Recuors

¹ Encunter disposiziuns e decisziuns dil menader da scola ni da persunas d'instrucziun sco era dil president dil cussegl da scola en fatgs da scola sa vegnir recurriu enteifer diesch dis tier il cussegl da scola.

² Encunter disposiziuns e decisziuns dil cussegl da scola en fatgs da scola sa vegnir recurriu enteifer diesch dis tier il departament d'educaziun, cultura e protecziun digl ambient dil Grischun, premess che la lescha cantunala da scola determineschi nuot auter.

³ Encunter decisziuns d'assignaziun negativas e disposiziuns pertuccont la nunpromozziun resp. la promoziun sa vegnir recurriu enteifer diesch dis tier igl uffeci per la scola populara ed il sport. Igl uffeci sa preveder ina procedura speciala per il giudicament d'admissiun tenor protesta.

VI. DISPOSIZIUN FINALAS

Art. 15 Abrogaziun

Quest uorden remplazza il reglament da scola dalla vischnaunca da Sumvitg dils 18 d'avrel 2000 e la lescha da scola dalla vischnaunca da Trun digl 1. october 2002.

Art. 16 Approbaziun

Quest uorden da scola ei vegnius approbaus entras la radunonza communal da Sumvitg dils 21 da zercladur 2013 e dil cussegl da vischnaunca da Trun dils 12 d'uost 2013.

Art. 17 Entrada en vigor

Quest uorden entra suenter l'approbaziun dil departament d'educaziun, cultura e protecziun digl ambient dil Grischun, en vigor cun ils 1. d'uost 2013.

Sumvitg, 23 d'uost 2013

Vischnaunca Sumvitg

Il president communal
sig. Armin Candinas

Igl actuar communal
sig. Patrick Schaniel

Trun, 23 d'uost 2013

Vischnaunca Trun

Il president communal
sig. Donat Nay

La vice-actuera communal
sig. Sandra Gautschi

Approbau dil departament d'educaziun, cultura e protecziun digl ambient tenor disposiziun dil departament nr. 1097 dils 06-09-2013.

Il cusseglier guvernativ
sig. Martin Jäger